




ԵԿԵՂԵՑԱԿԱՆ ԲԵՄ. ԼՈՒՐԵՐ

Մարտի 2-ին, կիրակի.—Դ կիրակի Քառասնորդական Պահոց (Տնտեսին).

Այսօր Մայր տաճարում, Ավագ ա. սեղանի վրա, ա. պատարագ մատուցեց Ս. Պսակ աբեղա Կարապետյանը:

«Հայր մեր»-ից առաջ հավուր պատշաճի քարոզ խոսեց Ս. Եվնիկ քին. Պետրոսյանը: Ս. պատարագին ներկա էր Վեհափառ Հայրապետը:

* * *

Մարտի 9-ին, կիրակի.—Ե կիրակի Քառասնորդական Պահոց (Դատաւորին).

Այսօր Մայր տաճարում, Ավագ ա. սեղանի վրա, ա. պատարագ մատուցեց Ս. Նարեկ քին. Մատարյանը:

«Հայր մեր»-ից առաջ օրվա խորհրդի մասին քարոզ խոսեց ուխտավորաբար Մայր Աթոռում գտնվող Ժնեկի հայոց հոգևոր հովիվ Ս. Վիգեն վրդ. Ալքալյանը:

Ս. պատարագին ներկա էր Վեհափառ Հայրապետը:

* * *

Մարտի 12-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի ունեցավ միաբանական հերթական հավաքույթ:

* * *

Մարտի 15-ին, շաբաթ.—Տօն է Սրբոյն Գրիգորի Լուսաւորչին մերոյ առկալի չարանացն և մտին ի Վիրապն:

Այսօր Մայր տաճարում, Իջման ա. սեղանի վրա, ա. պատարագ մատուցեց Ս. Արտակ քին. Սիմոնյանը:

* * *

Մարտի 16-ին, կիրակի.—2 կիրակի Քառասնորդական Պահոց (Գալստեան).

Այսօր Մայր տաճարում, Ավագ ա. սեղանի վրա, ա. պատարագ մատուցեց Ս. Եկրաս աբեղա Ներսիսյանը:

«Հայր մեր»-ից առաջ օրվա խորհրդի մասին քարոզ խոսեց Ս. Պսակ աբեղա Կարապետյանը:

*
* *

Մարտի 19-ին, չորեքշաբթի.—Այսօր Վեհաբանում, Վեհափառ Հայրապետի նախագահությամբ, տեղի ունեցավ միաբանական հերթական հավաքույթ:

*
* *

Մարտի 23-ին, կիրակի.—Ծաղկապարդ.

Այսօր Մայր տաճարում, Ավագ ս. սեղանի վրա, ս. պատարագ մատուցեց Ս. Հայկապուն վրդ. Նաջարյանը և «Հայր մեր»-ից առաջ ոգեշունչ քարոզ խոսեց՝ «Օրհնեալ թագաւորութիւնդ եկեալ հօր մերոյ Դաւթի. խաղաղութիւն յերկիս եւ փառք ի բարձունս» (Մարկոս ԺԱ 10) բնաբանով:

Ս. պատարագին ներկա էր Վեհափառ Հայրապետը:

*
* *

Նույն օրը, երեկոյան, հանդիսավոր ժամերգությունից հետո, Մայր տաճարի Ավագ խորանի վրա տեղի ունեցավ «Դռնբացեք»-ի հանդիսավոր և հոգեպարար արարողությունը:

*
* *

Մարտի 27-ին, հինգշաբթի.—Աւագ հինգշաբթի. Յիշատակ ընթերցեց Տեառն մերոյ Յիսուսի Քրիստոսի:

Այսօր Մայր տաճարում, Ավագ ս. սեղանի վրա, «միջօրեի» ս. պատարագ մատուցեց Ս. Չավեն աբեղա Խաչատրյանը:

Ս. պատարագի ընթացքում, «Հայր մեր»-ից առաջ, Մայր տաճարի լուսարարապետ գերաշնորհ Ս. Հուսիկ արքեպ. Սանթրոյանը ընթերցեց Սուրբ Բարսեղ Հայրապետի մեծ ճառը:

Երեկոյան ժամը 17.30-ին Մայր տաճարում ավանդական հանդիսավորությամբ կատարվեց «Ուտնալուա»-ի կարգը՝ Վիրահայոց թեմի առաջնորդ Ս. Գևորգ եպիսկոպոսի հանդիսադրությամբ:

Հանդիսավոր արարողությանը ներկա էր Վեհափառ Հայրապետը:

Ժամը 19.30-ին «ի գիշերի հսկումն» կատարվեց Վեհափառ Հայրապետի նախագահությամբ:

«Փառք ի բարձունս»-ից հետո օրվա խորհրդի մասին խորհմաստ քարոզ խոսեց Ս.

Հայկապուն վրդ. Նաջարյանը՝ «Աստուած իմ, Աստուած իմ, ընդէր թողեր վիս» (Մարկոս ԺԵ 34) բնաբանով:

*
* *

Մարտի 28-ին, ուրբաթ.—Աւագ ուրբաթ. Յիշատակ չարչարանաց և խաչելութեան Տեառն մերոյ Յիսուսի Քրիստոսի:

Այսօր, ժամը 11.30-ին, Մայր տաճարում կատարվեց «Կարգ Խաչելութեան» արարողությունը:

Երեկոյան ժամը 18.30-ին, հանդիսադրությամբ Վիրահայոց թեմի առաջնորդ Ս. Գեվորգ եպ. Սերայդարյանի, Մայր տաճարի շուրջ կատարվեց «Կարգ թաղման» արարողությունը՝ եկեղեցական հանդիսավոր թափոքով:

*
* *

Մարտի 29-ին, շաբաթ.—Աւագ շաբաթ, ճրագալոյց Չատիկ.

Այսօր, ժամը 18-ին, Մայր տաճարում, Ավագ ս. սեղանի վրա, հանդիսավոր ս. պատարագ մատուցեց Ս. Հայկապուն վրդ. Նաջարյանը: Ընթացս ս. պատարագի հանդիսավորությամբ հնչեց Հարության մեծ ավետիսը՝ «Քրիստոս յարեաւ ի մեռելոց»:

Ս. պատարագին ներկա էր Վեհափառ Հայրապետը:

Ժամը 20.30-ին վանական սեղանատանը Մայր Աթոռի միաբանները և հոգևոր ճեմարանի ուսանողությունը ճաշակեցին Չատիկի նավակատիքի ընթերցումը:

*
* *

Մարտի 30-ին, կիրակի.—Ս. Չատիկ (տես առանձին):

*
* *

Մարտի 31-ին, երկուշաբթի.—Յիշատակ մեռելոց.

Այսօր Մայր տաճարում, Ավագ ս. սեղանի վրա, ս. պատարագ մատուցեց Ս. Արտակ քն. Սիմոնյանը:

Հավարտ ս. պատարագի կատարվեց հոգեհանգիստ «վասն համօրէն ննջեցելոց»:

*
* *

Ապրիլի 6-ին, կիրակի.—Կրկնապատիկ (Նոր Կիրակի):

Այսօր Մայր տաճարի Ավագ ս. սեղանի վրա ս. պատարագ մատուցեց Ս. Պսակ աբեղա Կարապետյանը:

«Հայր մեր»-ից առաջ հայր սուրբը քարոզ խոսեց՝ «Չէ աստ, քանզի յարեալ» (Մատթ. ԻԸ 6) բնաբանով:

*
* *

Ապրիլի 13-ին, կիրակի.—Աշխարհամառ-
բան (Կանաչ Կիւրակէ):

Այսօր Մայր տաճարի Ավագ ս. սեղանի վրա ս. պատարագ մատուցեց Տ. Նարեկ քին. Մատարյանը:

«Հայր մեր»-ից առաջ հավուր պատշաճի ոգեշունչ քարոզ խոսեց Մայր Աթոռի դի-վանապետ գերաշնորհ Տ. Ներսես եպս. Պո-լապալյանը:

*
* *

Ապրիլի 20-ին, կիրակի.—Կարմիր Կիւրա-
կէ:

Այսօր Մայր տաճարի Ավագ ս. սեղանի վրա ս. պատարագ մատուցեց Տ. Չավեն ա-բեղա խաչատրյանը:

«Հայր մեր»-ից առաջ պատարագից հայր սուրբը քարոզ խոսեց՝ «Եկայք առ իս ամե-նայն վաստակեալք և բեռնաւորք, և ես հանգուցից զձեզ» (Մատթ. ԺԱ 28) բնա-բանով:

Իր քարոզի մէջ հայր սուրբը ի մասնա-վորի ասաց. «40-օրյա շրջանը հիշատակու-թյունն է Հիսուսի Հրաշափառ Հարութիւնից հետո երկրի վրա ապրած 40 օրերի, մինչև

նրա Համբարձումը փառքի բարձունքներ: Երբ Հիսուս վախճանվեց խաչի վրա, անարգ-վեց և ստորացուցիչ կերպով խաչվեց ավա-լակների հետ՝ թերահավատությունը կու-րացրեց աշակերտներին՝ տեսնելու մարգա-րեությունը: Սակայն Հարության ավետաբեր լույսը ցրեց նրանց հոգու թանձր խավարը, հոգեկան խռովքը փոխվեց ցնծության: Եվ նորից համախմբվեց Բարի Հովվի ցրված հոտը, այս անգամ արդեն անմնացորդ հա-վատքով և հավատարմությամբ»:

*
* *

Ապրիլի 24-ին, հինգշաբթի.—Յիշատակ բիւրաւոր նահատակացն մերոց, որք կառա-րեցան յնթացս Համաշխարհային առաջին պատերազմի (Տես առանձին):

*
* *

Ապրիլի 27-ին, կիրակի.—Տօն Երեման Ս. խաչի:

Այսօր Մայր տաճարի Ավագ ս. սեղանի վրա ս. պատարագ մատուցեց Մայր Աթոռի դիվանապետ գերաշնորհ Տ. Ներսես եպս. Պոլապալյանը:

«Հայր մեր»-ից առաջ սրբազան հայրը օր-վա խորհրդի մասին ոգեշունչ և իմաստնա-լից քարոզ խոսեց:

Ս. պատարագին ներկա էր Վեհափառ Հայրապետը:

